

TERMS OF REFERENCE

Pozicija: Terenski organizator akcije čišćenja i uređenja jezera

Mjesto rada: Područje jezera "Kop" Šićki Brod

Trajanje angažmana: juni 2021.– 15.04. 2022.

Opis projekta:

Jezero Kop Šićki Brod formiralo se zadnjih 30 godina od podzemnih voda i nalazi se na istoimenom koku za kojeg Rudnici Kreka imaju okolinsku dozvolu da raspolažu sa 300 ha rekultivisanog zemljišta. Od toga Lukavcu pripada 250, a Tuzli 50 ha.

Planovi u vezi s ovom lokacijom su različiti. Prostornim planom je lokacija PK Šićki Brod planirana kao Sportsko rekreaciona zona Šićki Brod. Ovo jezero nadomak Tuzle uz sve svoje ljepote, životinjski i biljni svijet ima potencijala postati prava rekreaciona zona. Međutim, jezero je takođe i najpoželjnija lokacija za odlagalište šljake i pepela, kao najbliža i najjeftinija opcija za deponovanje 130 tona otpada na sat iz TE Tuzla, odnosno 1.138.800 tona godišnje. Ukoliko bi se ovo odlagalište izgradilo na način kako su se do sada gradila, ono što bi se desilo je da bi se uništio jedan prostor koji je vodonosno područje, a voda je resurs koji se mora čuvati. Imali ćemo zagađene podzemne vode gdje bi došlo do procjeđivanja određenih teških metala koji se nalaze u šljaki i pepelu, a to su kadmij, olovo i hrom. Bila bi trajno zagađena izvorišta pitke vode.

Lokalna zajednica se protivi ovome i već dugi niz godina se bori za očuvanje jezera i njegovih prirodnih ljepota. Ukoliko bi se šljaka i pepeo odlagali na ovoj lokaciji, dodatno bi ugrozili zdravlje i imovinu stanovnika koji su i onako izloženi velikom zagađenju iz okolne industrije. Odlaganje šljake i pepela na ovom području bi prouzrokovalo zagađenje površinskih i podzemnih voda i nekontrolisano širenje toksične prašine u okolna naselja. Na ovaj način bi se dugoročno zagadio okoliš i taj prostor bi postao izvor kancerogenih i otrovnih materija, koji bi ugrožavao zdravlje sadašnjim i budućim generacijama. I pored slanja dopisa, potpisivanja peticija, organiziranja protesta protiv izgradnje odlagališta, volja lokalne zajednice kao i zvaničnih predstavnika vlasti Grada Tuzla i Općine Lukavac se od strane nadležnih institucija viših nivoa i zagađivača ignorisala. Krajem aprila 2021. na sjednici Skupštine Tuzlanskog Kantona su usvojene Izmjene i dopune Prostornog plana do 2025. odnosno amandmani kojima je traženo da prostor Šićki Brod bude u cjelosti zona za sport i rekreaciju, te je umjesto planiranih 210 hektara, zaštićeni prostor zaokružen na cjelokupnih 296 hektara. Međutim, neophodno je nastaviti rad na zaštiti i očuvanju područja jezera "Kop".

Projekat "Spasimo naša jezera" Centar za ekologiju i energiju realizuje uz podršku dobivenu u okviru projekta Misli o prirodi! koji implementira Centar za promociju civilnog društva, a finansijski podržava Švedska.

Cilj projekta

Jačanje uloge i kapaciteta organizacija civilnog društva da stvaraju sistemski i naučno utemeljen pritisak na donosioce odluka i zagađivače i njihovo zajedničko djelovanje na očuvanju i zaštiti jezera „Kop“.

Aranžman ugovora

Terenski organizator akcije čišćenja i uređenja jezera će pozvati klub ronilaca i druge OCD-e i građane na organizovanu akciju čišćenja. Izvršiće nabavku potrebnog materijala za čišćenje, organiziranje čamca za površinsko čišćenje vode, nabavku kanti, nabavku i postavljanje kamere za nadzor, nabavku i postavljanje informativno/edukativnih tabli, organiziranje volontera za izradu i postavljanje klupa i sve druge aktivnosti koordiniranja akcije čišćenja i uređenja jezera. Tokom projekta su planirane najmanje dvije akcije čišćenja, dok se uređenje prostora odvija kontinuirano tokom trajanja projekta.

Vrijednost ponude i plaćanja

Vrijednost ponude mora biti izražena u BAM valuti u bruto iznosu. Svi troškovi potrebni za plaćanje poreza i pripadajućih naknada moraju biti uključeni u ponuđenu cijenu.

Vremenski raspored i naknade

Objava konkursa	28. maj 2021.
Zatvaranje konkursa	4. juni 2021.
Izbor ponuđača	7. juni 2021.

Cijene moraju biti fiksne u BAM valuti i neće biti predmet revizije. Troškove nastale prilikom pripreme i predaje ponuda snose ponuditelji i ne mogu se nadoknaditi. Ukupna naknada biće plaćena u dva dijela: jedan dio nakon sklapanja Ugovora i drugi dio nakon završetka usluga na puno zadovoljstvo koordinatora projekta.

Podnošenje prijava

Da bi se uzele u obzir za ovu uslugu, ponuditelji sa potrebnim profilom moraju dostaviti sljedeće:

- Pismo interesovanja;
- Dokaze o iskustvu vezanom za zadatak;
- Finansijska ponuda za pružanje usluge

Prijave sa potrebnom dokumentacijom i sva pitanja vezana za poziv se trebaju poslati na email: amra.skramoncin@ekologija.ba najkasnije do **4. juna 2021. do 16 sati**.